


Jekabaara



Cikela ceman n'a musoman kunnafoniseben

a be bo kalo o kalo

Jamana baarada la BP: 2043 Bamako (Mali)

San 1986 - San 2000

Jekabaara ye san 15 dafa

Ne 2nan

Kalo Laadilikan

Fenjumanin b'a yere feere sugu la. O sira kelen kan, an ka koori ladoncogo fana be ke sababu ye k'a mandiya dije feereyɔrɔbaw la.

Koori numan be sorɔ sira minnu fe olu file :

- Ka koori bila bore kerenerennew kono koɔribɔwaati. Manaborɛw sen te olu la.
- Ka koɔribɔkuluw kɔlɔsi walasa koori wolomani be ke kojuman,
- Koori lajalen kɔ, k'a lasagon yɔrɔ jɔnjɔn na,
- k'a kɔlɔsili fanga bonya koori donituma walasa fen were kana nagami a la k'a ne tijɛ.

Dawuda Mace Dawo
CMDT Bamako



KALAN T'A KEKUN NE FO NI CE
NIMUSO BEE Y'A SORO

BALIKUKALAN TOGGIADON NENAJEW

"World Vision" ka maraw kono

Ne 9nan

"Kalan be mogɔ son hakili la, nka kunnafoni be mogɔ bo kunpan na". Yoro Ulen Sidibe

Jekabaara

Jekabaara, aw ka kunnafonseben ye san 15 soro. San 15, o te kalo 15 ye wa tile 15 fana te. Jekabaara ye sira jan taama. A ni minnu jera k'o taama ke, olu ye CMDT ni ODIPAC ni Mali cikelaw ye. Hakilina jumew ye Jekabaara yere sigi senkan.? A dabokun ye mun ye ? O jaabiw dili la, an y'a kanu k'an kofile. O kofile b'an lase Jekabaara boko 1 ma. O boko folo ne 2nan b'an bilasira kosebe Jekabaara hakilina faamuyali la. An ka nogon hakili lajigin ka ben ni kunnafoniseben ka sanyelema 15nan ye.

Bamananw ko: "jekafye daamu ye". Ni jekafye daamu ye, jekabaara nogon daamu te, k'a d'a kan, jekabaara te se ka ke jekafye ko.

Jekabaara kono, hadamadenw be je ka fo, ka je k'a miiri, ka je k'a waleya. O kono na, u b'u hakilinataw falen falen, ka ben kelen kan, min ka fisu u bee ma. U be soro ka je k'u fanga fara nogon kan, k'u bololafen fara nogon kan, hali k'u bololafolo dow fara nogon kan, walasa ka hakilina numan kelen sorolen in waleya, cogo min u be se ka here soro. O de koson, jekabaara nogon daamu te.

Bamanankan na, ntalen caman be yen, minnu be hadamadenw dusukun lamin, k'a ke jekabaara kan. Olu dow file nin ye:

"Konkulu jelen de be bii fo."

"Bolonkoniden kelen te bele ta."

"do be do don, do te o don."

Nin bee de b'a jira ko jekabaara nogon daamu te. **Jekabaara** b'a to:

- hadamadenw ka geres nogon na, k'u tin don nogon na, ka nogon kanu ani ka nogon deme dugu kono,

- dugu fana ka nogon

- sirataama, ka nogon don, ka nogon kanu ani ka nogon dafa jamana kono,

- jamanaw fana ka nogon

- sirataama, ka nogon don ani ka nogon deme dije kono, cogo min

kelenya ni ben be sinsin, lafiya ni here be ke, baara ni soro be yiriwa.

O hakilina de kono, CMDT n'o ye koorisenebaarada ye, ani

ODIPAC n'o ye tiga ni suman sene baarada ye, olu fila jera k'u bolo di nogon ma, k'u hakili ke kelen ye k'u fanga fara nogon kan, ka kunnafoniseben dilan, k'o togo da ko **Jekabaara**.

Jekabaara ye kunnafoniseben ye, ka nesin seneke law ma, CMDT ni ODIPAC be minnu kalan. O seneke law binna ka jekabaara koro faamu ani k'a nafa dow ye, i n'a fo duguyiriwaton sigili dugu kono.

O de kama, kunnafoni selen in kuntilenna ye ka jekabaara sinsin seneke baarada fila in kono na, seneke law ni nogon ce ani duguw ni nogon ce.

O tuma na, feere o feere, donniya o donniya, n'a be se ka cikelaw deme ka jekabaara sabati u ka yoro la, kunnafoniseben in min yere togo ko **Jekabaara**, o bena o de jense, cogo min b'a to u be se ka bo nogon nunma. Bari, "do be do don, do te o don".

O siratige la, an k'a don ko **Jekabaara** ye an bee lajelen ta ye: anw baarakuntigiw, anw baa-rakelaw, anw cikelaw, anw monnikelaw, anw cew, anw musow. An bee lajelen k'a ke an haminko ye, an ka kunnafoniw

ni ddnniyaw, ntalenw ni nsiirinw selen, k'u ci **Jekabaara** ma:

CMDT bataki temesira 487, Bamakd walima

ODIPAC bataki temesira

72, Bamako

Jekabaara sigina ninohakilina-baw de

Ala ka **Jekabaara** balo, k'a son si la.

San 1986 fo san 20 kan00 waati,
Jekabaara ye san 15 dafa.

Aw be **Jekabaara** don wa ?

Jekabaara ye Mali jamaba togodaw ka kunnafonilasesebenba ye.

Jekabaara sigikun do ye togoda yiriwabaaraw senkorodonni ye.

Jekabaara sigikun do ye jemufanga sinsinni ye Mali kono.


Jekabaara sigikun do ye Mali sigidaw ka nogon koladonni ye.

Jekabaara be aw sagonasira kan wa ?

Aw b'a kanu **Jekabaara** ka dakun jumew fara koromanw kan ?

Aw y'aw hakilinaw ke bataki ye

Taasibila kera Abudulayi Bari ye



Abudulayi Bari kanubagaw n'a jenogon koro tun be kene kan

A budulayi Bari tun ye kanko dɔnkotigi ye jamana in kɔnɔ. A ka fasodenjumanya tɔ fɔ ka se a dan na. Maliba in tun kanu b'a la haali. Jemufanga ka sirasoro an ka jamana kɔnɔ, an karamogɔba Abudulayi Bari jɔyɔrɔ bonyara o la kosebɛ. Abudulayi Bari tun ye maa sabalilenba ye, maa ladiri tun don, maa timinandi tun don, maa tilen-nen tun don, maa jelen tun don, maa kankelentigi tun don. Dakurunjé kelen na, hɔrɔn tun don jamana kanu tun be' maa min na kasɔrɔ natako tɛ. An karamogɔba taara a da i ko nkɔremansa san 1991 setanburukalo tile 22 don. Ala de ye mansa ye. Tɔn dɔ sigira senkan san 1993 walasa ka an karamogɔba Abudulayi Bari ka faso kanw sankɔrɔtali cɛsirijala ta (halin'a ka girin). O tɔn be' weeble ko Abudulayi Bari Tɔn. Tɔn in cɛsirilen don faso kanw sankɔrɔtali la bali-kukalan jiidili siratige la. San o san, tɔn in be' taasibila kene laben ka nesin Abudulayi Bari ma. Hakilijigin ni taasibila kene don jama be'

weeble min kan. O kene in mana sigi, barow be' ke faso kanw jiidi siraw kan. Tɔn y'o baara damine a san 7 ye ninan ye.

Fen min ye ninan taasibila ye, o kera DNAFLA baarada la (o kera laada ye bawo an karamogɔba Bari be' ntanya tuma min na, a tun ye baarada kofolen in jɛmaa ye). Maaw weeble ka na baro ke kanw lanɛmayali kan sango kan minnu be' fɔ Mali n'a siginogonjamanaw dancew la. Baro kebagaw tun ye kalanko minisiriso ka maa feeretigiba fila ye : Musa Jaabi (ale ye minisiri ka kankɔrsigi ye) ani Seku Buware (ale ye DNAFLA baarada kanko nininikela maa ye). Yanni maa feeretigiba ninnu ka don barosen walans walans, kene jɛmaa n'o tun ye an karamogɔba Adama Samaseku ye, ale ye kuma ta. Ale y'a dantige ni foli ye k'a nesin Abudulayi Bari Tɔn tɔndenw ni fure kɔmogɔw ni jama bee' lajelen ma. A y'a nini jama fe a ka wuli ka sanga kelen dugawudon ke ka nesin an karamogɔba Abudulayi Bari ma

(Ala k'a dayɔrɔ sumaya). O temenen kɔ, an karamogɔba Adama Samaseku sɔrɔla ka kene nama furan ni kɔrofɔ nafama ye Mali jamana dancew kan fotaw kan. A y'a jira a ka kuma kɔnɔna na ko an karamogɔba Bari haminankoba do tun ye nin barosen waleyali ye walasa Afiriki ka lelenya ka sabati. Jamanaw dancew ka ke u tugudaw ye k'u kala nɔgɔn na i n'a fɔ jamanakuntigi Alifa Umar Konare y'a naniya cogo min na. Baro nɛbila la, Abudulayi Bari Tɔn jɛmaa n'o ye an karamogɔ Yusuf Jalo ye, (ale ye Jekabaara laboli kuntigi ye), ale ye kuma ta ka tɔn ka ninan baara kelenw walans walans. Olu temena balikukan keli sira fe Nbewani dugu 15 kɔnɔ ani "Centre Djoliba" baara nɔgɔn musojekulu 19 tɔnden 33 kun. Nin baara ninnu ye sirasoro ton bolo Jamana baarada ka "Jamabulon" hukumu kɔnɔ. An karamogɔ Jalo y'a jira fana ko kalanko minisiriso ye weeble bila tɔn ma ka na "Fondation Karanta" laje kene kan.

Baarañogonya siratige la, an karamogo Yusuf Jalo da sera tōn ni tōn wərew cəla ma. O kənəna na, tōn ni "Kalan - Mali" y'u təge don nəgən bolo ka gafe dō bō jamana sigidaw nsiirinw, ntənənw ni ntəlenw kan. O gafe jirala jama na kənə kan. A sərəla ka se kənə in yərə ma n'a labən ko wolonwulan ye nin ye tōn fə (san o san a b'a labən). An karamogo Jalo y'a ka kərəfə laban ni weelekan ye k'a lase faso kanw kanubaganciwi ni jamana kotigiw ma. A y'a nini u fə u ka dəməw, don tōnw ma kalanko ni baarakeminsko sira kan yaasa u ka se ka bo tirikitoroko la, ka se ka faso kanw sankorota ka nə. O dəmə bə ke sababu ye ka tōnw ka baaraw tiime kojuman u bolo.

Baro kəbagaw kəlen ka kumata, u ka baabuw təməna siraw fə minnu b'a jira k'a fo ko kan minnu bə fo Mali jamana dancew la, a ka ni u ka matarafa. Wa feerew yərə tigera goferenaman fə minnu bə ka waleya dancew la. O siratige la, jamanaw bə k'u bolo di nəgən ma ka duguyiriwakalansow (CEI) jo dancew la. Faso kan minnu jatelen don dancew kan fotaw ye, olu ye : Bobokan, Mandenkan, Fulakan, Burudamekan, Kərəbərəkan, Soninkekan ani Surakakan. Baro kəbagaw y'a jira k'a fo ko nin bəs ye Afiriki ka kelenya sabatili sira de ye min bə ke sababu ye ka həre ladon ani ka nətaa sinsin jamanaw kənə. Baro kuncera ni Abudulayi Bari Togola Waalanw dili ye tōn ni baaradakuluw ma k'a da u ka cəsiri kan faso kanw jiidili la. Waalan fə dira "Projet Lassa" ma. Filan dira "Projet Nufu/CNRST" ma.



Abudulayi Bari tōn tōn denw n'a tōnfaw

Sabanan, o lasera "Kalan - Mali" tōn ma.

Poyikalanw kəra ka taasibila in kərədiya bamanankan ni fulakan ni dəgəsə la.

Jama tun bə taasibila in kənə kan haali. A fəlo tun ye DNAFLA baarada cakəlaw ye n'olu ye Abudulayi Bari tōn dəmənəgən belebele ye. Baarada in ma salaya don si Abudulayi Bari Tōn kəkərədonni na i n'a fo a b'a ke tōn tōw ye cogo min. Abudulayi Bari (Ala ka hine a la), a jənəgən kəro minnu m'a labila halibi, olu fana tun bə kənə kan. Benbakan Dungew fana tun bə kənə kan ka fara NKO ni Kalan - Mali tōndenw kan. Jamanakuntigi ka cidenw tun bə kənə kan ka fara Modibo Jalo kan (ale ye Modibo Keyita togolasoba nəmaa ye) ani Dirisa Jakite n'ale ye "Projet Nufu/CNRST" nəmaa ye.

Sila Orokiyat So ni "Gérard Dumestre" tun te kənə kan nka u hakili tun bə nin don in na. An b'a fo Ala k'an bən san nataw la.

Amadu Ba
Abudulayi Bari Tōnden don

Poyi : Kalan

Fa kan kalan,
Fa kan kalan,
Yərekalan,
Min ko fa kan
kalan,
Fa kan kalan,
Yərə dəmə dərə.
Sodən, jiridən, yəredən de
nəgən te.
Bolo dəw marala bolo dəw fə,
Ka kan dəw mara kan dəw fə.
Fa kan kalanbaliya y'o sababu ye.
Fili man jugu,
Nka, kəfiləbaliya de ka jugu.
An y'an kəfile,
Bolow sera ka bō.
Nka, kan marali kan wəre fə,
O bə fara cəsiri kelen de la.
Kalo bə su dibi fara,
Nka, an bə yeelenw mənə.
Fa kan kalanbaliya ye dibiba ye
An ka wuli k'an cəsiri fa kan
kalanni fə.

Sunkalo Jara n'a bə wele ko Lo.
Animateri don ka bō
Fanafiyəkoro.

POLITIKO TAABOLO

Mogo b'i fa sogobu la fo k'i sebekorofa kasoro i ma se kolo ma.

An be don min na i ko bi, bee wulilen don k'i jo i senkan a ka here taabolow nof : senekelaw ko ka do fara senefenw feereda kan, ka do bo sen nafafenw sanda la. Woro min ye fen ye n'a te sen an bara, o sansongo be ka yelen ka taa a fe. A sanda sankorotara fo ka teme. Woropane sera sefawari doreme baa 30 hake la bi. Jon ko musofuru be diya nin waati in na ?

Do farala bolimafen moterimaw taji songo kan. Baarakelaw fana wulila ko ka do fara saraw kan. Fen min ye lakana tigilamaw ye n'olu ye polosiw ye, olu ye tile saba baarabila ke u ka laninita dow nakan. Mali jamana bilama, dañogon were t'a la

fagabaknoji ko. A be ka lonbolanba fan bee fe.

An dun ka kan ka min to an hakili la Maliko in kan, o ye ko jefen were, wasofen were t'an Malidenw bolo Mali jamanaba in yere doron ko. O tuma, fen min ka kan ka don an Malidenw ka baa-raketaw bee kono bi, o ye benkola ni nogonbonya ni nogonfaamu ye. Nin bee be bila faso kanu minenba kono. Ayiwa an Malidenw ka hake ni josariyaw be fo Mali de kono dere. An kana an bolo su an yere ne na. An k'a don k'a fo ko mogo b'i fa sogobu la fo k'i sebekorofa kasoro i ma se kolo ma. Maliko y'an bee de danbe sinsinbere ye. Hali n'an ye fijne bo an senkoror ka taa jamana were la, an ni Malidenya turuni be nogon ben yen. O tuma, an k'a mafile ka an ka laninitaw n'an ka ninifew bereben an ka jamana soror ma. Ala ka jamanadenw ben kelen ma

Tumani Yalam Sidibe

EDIS suarl
b'aw ladonniya ko :

KALAN NI MAGAN

Kalan sinsinni, o san folo ni san filan an gafe bora.

Fasokan ni Tubabukan kalancogo kan.



Gafe kerenkrennen ninnu
labenna mogo faamuyalenba fila fe :
Berehima WULALE ni Haya BOLI n'olu ye
Fasokan ni Tubabukan kalancogo karamogow ye.

KALAN NI MAGAN (1 ni 2)
Kalanje gafe bamanankan na, min b'aw ka bila la.

Ka weleli ke negejurusira 21 49 48

San sabanan ni san naaninan fana b'aw ka bila la.

KALAN NI MAGAN

Kalanje baarakeminan naafamaba kalan sinsinni na
Fasokan ni Tubabukan kalancogo kan.

U ko

Maa kana i ta i ka kunsigije ma i ka dijesosigi la. I ka kan k'i ta i ka waleya kelenw ma i ka nenanmaya kono k'u nesin jama ka here soroli ma.

"Fo te kuma banna, hakili de b'a to lase"

"Walikan mana ke di min ye, fakan de ye didadi ye"

Karamogo Banba
Nko Donkotigiba don
Bamako

Fakanw lapasabagaw bee konoma don.
Wajibi dun y'u jiginni ye.

Nko Sangare
Cakesbaranin Donkotigiba don
Bamako

Ni ba kasira dunan na, wulu ta be ke kun-masuuli ye.

Siriki Banba
ka bo Npenaso
Sikaso

Jekabaara, kunnafoniseben nafama

CMDT ye Jekabaara sigi senkan ni hakilina jumenw ye ? Sira minnu donna Jekabaara koro, yali a y'olu lataama wa ? Geleya jumenw de be kunnafoniseben in kunkan bi ? Olu furaw be se ka ke mun ni mun ye ? Nin jaabi ninnu ninini na, an wulila ka taama ke CMT cikemaraw kono k'u kolatigebagaw n'u baaranjogon cikelaw kumanjogonya. A maa damado hakilina file kunnafoniseben Jekabaara kan. Bi, an bena an karamogo Fuseyini Togola n'an karamogo Bili Kunja Tarawele ka masala lateme aw ma walanda in kan.

Fuseyini Togola, e Fana CMT Togoda Yiriwali Baarabolofara Nema ye. Jekabaara botuma ni bi ce, yali sira min donna a koro a y'olu lataama wa an karamogo Togola ?

"N'i ko kunnafoni, i ko baarakeminen. CMT be yoro o yoro Mali kono, i b'a sorro o cikelaw ka ca kosebe. N'a fora ko an minnu ye bolibolibagaw ye u ni nogon ce, ko an ka baara nefo ka tila ka kunnafoni di, anw ta ni mara werew ta, a ko geleyantant te. Lajini bora cikelaw yoro ka se CMT ma a waati yaasa CMT ka feere tige u ye cogo min u be se ka bo mara werec cikelaw kalama k'u to u sigiyorow la. O kunnafoni munumu ye CMT bila ka baarakeminen kelen sorro min be se ka hakilina ni cikeferew lase. Jekabaara nacogo file nin ye. A sinsinna fen min kan o ye kalanden jolenw ka dönniya kura sorolenw jiidili ye baara kecogo faamuyali sira kan. Baara min fana don, o ye waatifebaara ye. O feerew be lateme seben na min be cikelaw deme u k'u hakilijagaboo cikesan temenenw kan k'u sanga nogon na. U be se ka cikesan nataw baaraw boloda ka ne o senfe. O b'a jira k'a fo ko kunnafoniseben in ye CMT ka deme belebele waleyalen ye k'a nesin cikelaw ma Mali fan bee.


Jekabaara ye kunnafoniseben

ye min be bo sije kelen kalo o kalo. CMT y'a lajini cikelaw k'a san k'a tonobo bawo n'i y'i ka nafolodon fen o fen na, i b'o matarafa ka ne.

Sira min donna Jekabaara koro kabini lawale la fo bi, a y'a lataama hali n'a yoro bee ma dafa. Maaw tun be fara nogon kan togodaw la ka Jekabaara kalan lanpanyeelen na k'a lagamu. A yera o de senfe ko joyoroba be kunnafoniseben in na cikedaw la. Fen min ye nogoya don kunnafoniseben in na, o ye ko a sebenne don faso kan do la n'o ye Bamanankan ye. O ye faamuya sorodiya seben in kalanni kan. O la, maa be se k'a fo ko Jekabaara y'a jeniyoro fin. Nka geleya nana don seben in senkor a ka nemamaya kono.

Geleyaw ye jumenw ye ? U fura fana ye mun ye ?

A folo, o y'a sorobalyajoona ye. O ye finge belebele ye Jekabaara la k'a da waatifebaara bolodacogo kan CMT cikemaraw kono. Misaliw la, boloturu be ke waati min na ni seben ma bo ka ben n'o ye, nafa tona ke a baara kunnafoni na. Koori furaketuma kunnafoni mana lase sannifeere waati, o te faamu. Feere tun sorola o geleya la nka a be ka segin ko. Fura jenjor min b'o la, o ye yelema donni ye Jekabaara lasesira baara kecogo la. O feere kokorodonbaga folo ye CMT cikekafo nemaw ye. Ni



Fuseyini Togola, Fana CMT Togoda Yiriwali Baarabolofara Nema

Jekabaara lasera u ka baaradaw la, olu ka kan k'u cesiri Jekabaara ka lase teliya la a tigi folow ma n'olu ye cikelaw ye. N'o kera baaraw be nogoya bee bolo. O laselijoona feere be cikekafo nemaw yere bolo.

Geleya filanan, o be Jekabaara hake bota kan. CMT cikemaraw kono, cikela kelen kelen b'a fe k'a ka Jekabaara sorro a togola. Bi, nafa min be kunnafoni na, bee y'o døn. Dine bilama be kunnafoniko de bolo. N'e maa min kunnafoni te, dine be taa k'i to dakun bee la. A ka ni Jekabaara hake bota ka caya yaasa a ka se ka bee labo. O feere la, CMT be se k'i jo

Jekabaara hake caman sanni koko i n'a fo a y'i jo buremunogoko koko cogo min na waati temenenw na. O gelya be se ka furaké o cogo la wa a be ke sababu ye cikela caman ka Jekabaara soro. Nin bee kofe fo jama ka segin Jekabaara forobakalanni ma. Do be fara maaw ka faamuya kan o cogo la.

Yali Jekabaara ye togoda yiriwabaaraw senkorodonsében ye wa ?

Siga koni t'o la. Misali la, salon zuluyekalo laban na, e Jalo ni ne ye koko min latemé sanjikogelya kan, an y'a fo ko sanji be se ka na tile fila nataw kono. An ye cikelaw bilasira a waati k'a f'u ye u k'u ka misiw fara nognon kan, u k'u ka baarakeminew segesegé k'u laben ka bila. Tile naani masala in kofe, sanji ye suuruli damine Mali jamana fan bee. Cikelaw y'an ka masala in mine i ko turabucikan. Jekabaara de kera sababu ye k'o lasomini kunnafoni lase cikelaw ma a waati Mali fan bee la. O ye misali ye min b'a jira ko Jekabaara ye kunnafonisében ye min be togoda yiriwabaaraw senkorodon kosebe. O siga be maa weré de la konte o siga te CMDT n'a baaranogon cikelaw la dëre. O la, CMDT o, Jamana Baarada o, Mali cikelaw o ani baarada fen o fen sigilen don togoda yiriwali kama an bee de ka kan k'an cesiri ani ka duguwa don Jekabaara ka to an bee bolokoro. An bee ka nafa b'o de la wa jamana yere fana ka netaa be sabati o sira kan. Gelya o gelya be Jekabaara kan, an ka je ka fura jini a la nognon fe. Ne ka foli b'aw ye. Ala ka samiyé diya.

Yusuf Jalo


Karamogo Bili Kunja Tarawele, e ye Konobugu cikekafo ZAER kuntigi ye. Jekabaara ye san 15 dafa nin setanburukalo la. Jekabaara b'aw dems yiriwali baaraw la wa? "Nafa caman be Jekabaara la togoda yiriwabaaraw la. Jamana cikeyorow kunnafoni be soro a kono wa n'i yere ye koko min seben k'a lase Jekabaara sebennikelaw ma, i b'o soro a kono siga t'o la. Baaradaw fana kibaruyaw b'a kono ka fara kenyako, soro sabatisiraw ni hadamadenya bilasirali konuman kibaruyaw kan.

Jekabaara nafa folo yere ye a sebenni ye an kan faso kan do la n'o ye Bamanankan ye. Maa minnu ye kalan soro o la, o ka cabaa n'a si ye. Maa o maa n'i be Jekabaara kalan, i be bo dibi la wa i kunnafoninen don haali. Nka, n'e maa min t'a kalan, ne ma o fo de. Nafa belebele be Jekabaara la togodaw la.

— E yere ye gelya jumenw kolosi Jekabaara la ?

Tine don gelyaw be Jekabaara kukkan. Nka, ne be folo ka fen do pereperelatige. O ye k'a jira k'a fo ko Jekabaara te don kunnafonisében ye. Kalo kunnafonisében de don. Kunnafoni kerékerénné minnu be Jekabaara kono, i mana a soro tuma o tuma a b'i nafa bawo a be do de fara i ka faamuyata kan. Cikefeere kura do be yen, n'i y'o sidon, i ka soro be jidi sené sira fe. Ne koni bolo, i mana Jekabaara soro a b'i kunnafoni haali. Nka tuma dow la ni Jekabaara ye boko 2 ni 3 tonnen soro i bolo, a be ke degun ye.

O be furaké cogo di ? Jamana Baarada k'a bololateliya Jekabaara dilanni na ani ka bo n'a ye Bamako k'a lase CMDT cikekafow la. N'o sira tilennen taamana, a ka ca a la Jekabaara be lase teliya ni nognya la a tigiy ma n'o ye cikelaw ye.



Karamogo Bili Kunja Tarawele, Konobugu cikekafo ZAER kuntigi

Jekabaara be kalanden jolenw ka kalan dönniya sörölen sinsin. O kama a ka ni do ka fara Jekabaara hake bota kan walasa a ka se ka bee labo. Hake min bena sisan o te jama bo. Bee dun b'a fe k'i ka Jekabaara boko kelen kelen bee soro k'a kalan ka tila k'a lamara ka ne. Don do, a be i ka baro sementiya cikefeere do kan. Dakuruje laban na gelyaw kunbenne cogo kan, a fura be Jamana Baarada yere de bolo. Bamanaw ko : "n'i be waleya fen o fen ke, n'i y'a bee ke ci ye, a te nénabo cogo si la". Jekabaara lasesira bilama ye cili sira de ye. N'o ma bo a la, a te ne. O ka fo ka nogn bo o la.

N be min da nin kan o de ye k'a fo ko nafa belebele be Jekabaara la cikelaw bolo. Hakililajigin na, olu yere de y'a lajini CMDT fe san 1983 waati a ka seben ladilan u ye walasa u be se ka bo mara werew ka seneko kibaruyaw kalama cogo min na, u ka nogn lahalaw don ani k'u ka kalan dönniya sörölenw sinsin n'a seben ye. Kuma to te o ko. Aw ni cesiri. Togodalamaw ka kunnafoniko sahalen te soro yoro si ni Jekabaara konona te. Ala ka san diya.

Yusuf Jalo

Setanburukalo san 2000

Setanburukalo tile 8 balikukalan tōgōladon Nenajew

San 1965, lajeba dō kera Teheran, Iran jamana kan. Dijé jamanaw kalankow minisiriw bée lajelen tun be laje in kene kan. Laje in daminenet setanburukalo tile fōlō, ka taa a bila a tile 8 na. Foyi ma fō a kene kan ni kalanko te. Laje kuncedon, setanburukalo tile 8 tara k'a ke don kerēnkerennet ye ka nesin kinfinya keli ma. O hukumu kōnō, O.H.V.N n'an b'o wele ko Otiwale, ale ni O.N.G. "TONUS" jera ka san 2000 setanburukalo tile 8 nenaje kene sigi Ngorongoji kalanso da la.

Ngorongoji ye dugu ye min bē Kati kubeda fē, Kanbila komini kōnō. A ni Kati ce ye kilometere 20 ye kēnēkayañfan fē. Dugu 30 ka cidenw ye nōgōn sōrō nenaje in kene kan. Jama min taara a kene kan, o bē se maa 105 hake la. Otiwale tōgōla, Sedu Berete min ye Kati sekitera nēmaa ye, ale ye jama bisimila ka foli ke ka nesin Kanbila komini dugu 15 dugutigi bée lajelen ma, ka fara komini jama maa 10.000 bée lajelen kan. Tumani Kanē ye kuma ta Ngorongoji dugutigi tōgōla. A y'a ka nisondiya jira kōsēbe nēnae in keli la ale ka komini kōnō. A ko an bē don min na i n'a ko bi, ale ka komini kōnō, gōferenaman ka lakōliso 4 bē yen, ani duguyiriwakalanso 4, ani balikukalanso 7, ka fara kēnēyaso 3 kan. ONG "TONUS" y'a jeniyōrō fin o baaraw keli la dēmē nasira fē. Tumani Kanē da sera komini jama ka baara kētaw ma n'o fanba nēsinnen bē sēne, nakōbaara, jiraturu ani bagamisenninmara ma. O baaraw bēe sinsinbere ye kalan ye. O siratige la, a ye misali dō ta jamanakuntigi Alifa Umaru Konare ka kuma fōlen dō kan, n'o ye dugu kelen o kelen, lakōliso kelen, wali-ma balikukalanso kelen. A k'a b'a nini dēmējekulu fē, u k'u cēsiri Kati mara yiriwali fē. Nka kerēnkerennet la, Kanbila komini, walasa yiriwa ka sabati a ka komini kōnō. O tēmēnennet kō, Talibi, Sanogo, n'ale ye Kati Otiwale mara bolofara kalanko nēnabōbaga ye, ale ye nēfōli ke mōgōw ye duguyiriatōn ni balikukalan nafaw kan. A y'a jira ko balikukalanco siratige la, balikukalanso 122 bē Kati mara kōnō. Cēw ta ye 77 ye, musow ta ye 36 ye cēw ni musow nāgamien bē minnu kōnō olu ye 9 ye. Balikukalankaramōgō mumē ye 270 ye. Cēw ye 209 ye, musow ye 61 ye. Balikukalanden mumē ye

2.172. ye. Cēmanw ye 1365 ye, musomanw ye 807 ye. Kalanden jolenw hake ye 737. Cēmanw ye 64 ye, musomanw ye 89 ye.

Duguyiriwatōn na, awe mumē ye 41 ye, awe gansanw ye 33, awe nanaw ye 80 ye.

Mosotōnko la, musojekulu mumē ye 32 ye. Kalanden jolenw ka baara kētaw awew kōnō olu ye forosuma, kene sēnēta hake dōnni, nōgō donta fana hake dōn, dugukolōnō kūnbēnbaaraw, nōgōdinge senni, wērenjanajō walasa ka farafinnōgō sōrōli nōgōya, sanjisuma walasa ka danni ke a waati la. Baganmara siratige la, u bē sēw sōgō walasa k'u kisi sēbanaba ma ani ka sarimisiw ladon kōsēbe. Nafasōrōsirako la, u bē kōri sannifeere ke. Ni dugu min y'a ka kōri san a yēre ye, sugukomaseginwari bē d'o ma. Ninan, AWE 19 de y'u ka kōri san u yēre ye Kati mara kōnō. U bē nōgōjago ke ka sigida sēnēkelaw latifa, k'a tōnōw bila kēsu kōnō. U bē nōfeere ke ka kōngō kūnbēn waati gelēnw na, k'a tōnōw bila kēsu kōnō. U bē nōsimansinw labaara ka musow latifa, ka siliwari bila kēsu kōnō. Warimara ni jurudon kēsu bē labaara u fē fana. O dō yēre cokolen bē Ngorongoji dugu kōnō. U bē jurujiniseben dilan, ka wari labo B.N.D.A la. U bē safunēdilan ni galadon ke, k'o safunēw n'o finiweere, tōnō min mana sōrō o la, u b'a bila kēsu kōnō. U b'an ka sēnēfēn dōw bayelēma k'u ke dunfēnw ye kerēnkerennet la, dabilennin ani mangoro n'a nōgōnnaw. Karamōgō Talibi y'a ka kōrōfō kuncē ni wele bilali ye jama-na ce ni muso bēe ma, u k'u cēsiri balikukalan fē bawo mōgō te kōrō kalan ma wa don o don, tulo bē taa kalan. ONG "TONUS" ka ciden n'o tun ye Konatela Dala Sisōkō ye, ale ye kuma ta. A fana y'a sēnsin kalan

nafa nēfoli kan, kerēnkerennet la, balikukalan. A ko setanburukalo tile 8 ye kinfinya fēlēba don ye dijé seleke naani kōnō. A y'a jira ko baara si tē sīrasōrō n'a kēbagaw ma kalan. A ko'an ka jamana sōrō fanba sinsinnen bē sēne, mōnni, baganmara ani jago kan. Nin baara kōfōlē ninnu si tē nē sōrō f'u kēbagaw ka kalan. Konatela Dala Sisōkō y'a ka kōrōfō fanba nesin an balima musolakaw ka balikukalanso ma bawo a bē fō "N'i ye muso kelen kalan, i ye du kelen kalan, ka dugu kelen kalan, ka jamana mumē yēre kalan". Nin kōfē, jama wulila ka taāma ke ka nesin kalanden jolen dōw ka baara waleyallenw lajeli ma Kerēnkerennet la, galadonnaw, mangoro ni dabilen-nin bayelēmēbagaw, sanjijate-minenaw ani jurujiniseben ni jurukanisēben labaara bagaw. Kalanden jolen dōw ye poyikalan ke bamanankan na ka nesin balikukalan nafaw ni kinfinya kasaraw ma.

Ntoninba nōgōlōnbōlaw ye jama sōn hakili la, k'a jira ko jōyōrō bele-bele bē balikukalanso joli ani kalan mataraftali la dugu kōnō. U ye misali di cēkōrōba fila ka kewale kan. Madu y'a denmuso don balikukalan na. Siriki ma sōn k'a denke don, ko nafa t'a la. Dēmējekulu mōgōw nana don dō dugu kōnō, k'u bē duguden maa kalanen dō nōfē walasa u n'o tigi ka baara ke nōgōn fē. Olu ni Madu denmuso taara Bamako bawo ale de kelen ye maa kalanen ye. O don, Siriki y'a bolo cin k'a kun firifiri, k'a jira k'o nōgōn t'ale sōrō fo ka taa ale sa. Ntoninba nōgōlōnbōlaw tilalen, Kati mara OHVN nēmaa Sedu Berete ye foli di jama bēe lajelen ma, ko Ala ka san 2001 setanburukalo tile 8 jira an bēe kene na.

Yusufu Fane

BALIKUKALAN TÇGOLADON NENAJEW

"World Vision" ka maraw kono

Ninan san balikukalan tçgoladon nena jew hukumu kono, Jekabaara wulila ka se "World Vision" ka Bila mara baa rabolofara la. Yen, an yaalala "World Vision" baarañogon duguw kono k'u kçncoñogow nininka kalanko kan u ka sigidaw la. An ye nininkaliw ke karamogow ni dugu nemaaw ni kalandenw yere la. Soro sabati kama Mali dugu misenw ni dugubaw kono kalanko be dakun jumen na "World Vision" bolo k'a nesin a baarakeljogonw ma ? Kalan kofe, kalandenw bëna dönniya soroñenw nafa bo cogo di u ka sigidaw la ani k'u jeniyoro fin dugu yiriwali baaraw la? Nin nininkali nafamaw jaabiw dira an ma an karamog "Pierre Saye" fe.

Nininkali : An be don min na i kobi, "World Vision" ye baara kologirin jumenw ke balikukalanko siratige la a ka mara 7 kelen kelenne bëe kono ?

"Pierre Saye" : Ne be aw fo fôlo ka soro ka foli lase "World Vision" baarañogon dugu kelen kelenne bëe ma. N b'a jira k'a fo ko "World Vision" ye baaradajekulu ye min be deme don Mali goferenaman ma walasa yiriwa be sabati jamana kono. Balikukalan ni tubabukalan ye "World Vision" sinsinbere fila ye a ka baaraketaw la k'u nesin a baarañogonw ma duguw kono. Ninan 2000 san na, "World Vision" ye sefawari miliyon 500 ani baa 370 ani 835 ni murumuru don o kalanw dafé. Nin kasabi tila tilara "World Vision" ka mara 7 bëe ce. "World Vision" be kalanw lateme balikukalansow ni duguyiriwakalansow la faso kan 5 la : Bamanankan, Dogoso Bobokan, Koroborokan ani Burudamekan. Kalanso ninnu mana fara nogon kan, a be ben kalanso 810 ma. "World Vision" b'a wasadon o de la kalanko siratige la. Kalanden 10539 de tila tilalen don o kalansow ni nogon ce.

Nininkali : "World Vision" ye feere kuraw ta a ka baaraw taabolio la n'o ye baaradege feerew ye. Mun na ?

"Pierre Saye" : N'i y'an ka jama-

na ta bi, maa minnu kalanna, o ka ca. Nka, baarakogelya be a caman na. "World Vision" sigira yiriwa de sabatili kama duguw kono. O te sirasoro ni baarada macya. O de koson, balikukalan senfe, dönniya ni feerew be lateme maa minnu ma faso kanw na, "World Vision" b'a lajini olu fana ka baara soro u ka sigidaw la. O be ke sababu ye ka yiriwa sabati wa tungafetaa be nogoya dugudenw bolo.

Nininkali : Naafa min be ce kalannen na yali o be muso kalan nen na wa ?

"Pierre Saye" : Cew ka kalan, o ka ni. Musow fana ka kalan, o de nogon te bawo an fe farafinna, muso joyoro ka bon kosebe du kono. Denw ladamuni, musow don. Du ka kenyea ni du soroñko, o bëe ye musow ka doni ye. Ni muso kalanna, du ni dugu ni jamana bëe be kalan. Muso kalannen be nafa belebele de lase du ni dugu ma. O de kama, "World Vision" y'a ka lajini fanbaw sinsin musow kalan ni kan ka dönniya lateme u ma faso kanw na. O cogo de la u be sendon dugu yiriwali baaraw la.

Nininkali : "World Vision" ye kalanko sinijesigi baaraw boloda cogo di a ka maraw kono san nataw la?

"Pierre Saye" : Ni be baara o baara la, i b'i kofile kelenw na, ka bi

taw mafile kasoro ka sini taabolow fesefese o kono. O hakilina kan, an ye ninini ke. Fen min ye Bila mara yere ye, k'a ta ninan na ka taa se san 2015 ma (Ala k'o si d'an ma) mun ni mun bëna ke kalanko sira kan walasa ka yiriwa sabati ? O hakilijagabo baara kera an fe wa o jaabi b'an bolokoro. Baaradege kalan min daminen, san te o ban. Motodilan, jiribaara, olu n'u nogonnaw te se ka dege yoronin kelen. San fila b'a ne. O baaradege kalan kofe, "World Vision" be kasabi bo ka kalanden ninnu deme u ka baarada dayelenne na u ka sigidaw la. Nafolo min be di u ma k'u kôkôrodon, "World Vision" be o juru don u la. Baaratigi ninnu be o kasabi do lasegin "World Vision" ma san 3 temenen k. "World Vision" be nafolo in bila ka munumunu baaradayelenbagaw ni nogon ce o cogo la duguw kono. Maa wrew be nafolo in labaara o cogo la. Musow be dege baara minnu na olu ye kalali ni tobili keko numan ni lamini lakanani ye. "World Vision" ka sinijesigi baara kologirinw nesinnen don ninnu n'u nogonna caman ma ka yiriwa ni netaa sabati Mali dugu misenw ni dugubaw kono. O baaraw dennen don cew ni musow bëe la.

Nininkali : Weelekan jumen b'i bolo k'a lase "World Vision" baarañogonw bëe ma walasa ka

kalan sinsin, ka jetaa sabati duguw kono?

"Pierre Saye": Geleya be baara bee la. Karamogo ka ladiyalifenco ka kan ka mafile walasa ka barika don kalan na duguw kono. Folo, maaw tun be kafo k'u lakalan tile 45 kono. Bi, kalan feere kura min tara n'o ye duguyiriwakalansoko ye, kalanden ni karamogow be to njogon kan kalo 5 fo kalo 6 ka kalan ke. Sogomada ni wulada bee be ke kalan na. Karamogo te baara were masoro kalan kelen in baara ko. A te deme soro ka bo dugumogow yoro. O ye ko gelan ye an ka kan ka min mafile walasa karamogow fari kana faga u ka baara la. O koson, ne be n kannabo dugutigiw ni dugu nemaaw n'u baaranjogonw bee ma u k'u bolo fila don karamogow koro u ka baara hukumu kono. U k'u cesiri ka karamogow ladiya. Maa min b'i deme ka feere don i koro i k'i ka jenamaya tonbo n'o ye, ne mada la n'i be o tigi sara soro. Maaw ka faamuyali konuman soro nin koro in na. N be bee fo. Aw ni ce.

An b'a jira aw la ko an karamogo "Pierre Saye" ka weelekan benna a senma bawo an ka munumunu-ni senfe Bila duguw kono setanburukalo tile 8 don, an ye masala caman ke ni dugutigi ni karamogo ni kalanden dwo ye karamogow ka ladiyalifenco kan. An y'a ye k'a fo ko dugu caman ye karamogow ka ladiyalifenco bo a sira fe ka ye. Bee b'a ke n'a ka se de ye. Dwo be nafolo ke ka karamogow ladiya, dwo ta ye balo ni sumanw ye, dwo yere ta ye fen werew ye. Halibi Ala ka dugutigiw ni karamogow ben kelen ma walasa kalan ka sirasoro. Mali dugu misenw ni dugubaw kono, yiriwa ka sabati.

Yusuf Jalo

Jekabaara n'a baaranjogon Segu mara kono

Kabini 2000 san setanburukalo, Jekabaara ye san 15 dafa. San 15, o te kalo 15 ye kuma te tile 15 ma. Jekabaara ye cidenw lawuli k'a baaranjogon ciyakedaw segere ka hakilifalen falen ke kunnafoniseben in kan u ka foroba ciyaw kokoordonni ni jiidili feerew latemeni kan. O de y'a to ciden sera Segu k'a malosebaarada filaw (Ofisineri ni Ofisiri) nemaaw n'u baaranjogon cikelaw kumajogonya. Taama ninnu fanba kera Baruweli, Joro ani Tamani cikefaw kono.

Malosebaaradaw la, masalaw bolila geleyaw kan minnu be kunnafonilaseseben in kunkan. An ni Ofisiri nemaaw dankan Seyidu Kulubali n'a baaranjogon do ka korofo senfe, geleyaw de kofora kosebe.

Geleya folo ye Jekabaara bobaliya ye ka ben a botuma jenjona. O be kalanbagaw dese k'a lasoro ka ben n'a tuma ye. Geleya filanan, a jirala k'a fo ko kuma bere te ke Segu mara kono kono kan. Geleya sabanan, o ye Jekabaara yere lasorocogo teliman ye.

Nin banaba ninnu furakeli la, a yera k'a fo ko fura be Jamana Baarada ni Segu malosebaaradaw de bolo. Jamana Baarada ka kan k'i cesiri ka Jekabaara lase joona Ofisiri ni Ofisineri kono ka ben a bokalo ma. Olu fana k'a lase joona a kalanbaaw

ma ka ben ni kalosa ye.

Barawuli cikemara kono, geleya folo min lasera an ma cikelaw fe, o

Seyidu Kulubali
ORS nemaaw dankan

ye forow kono k'a kun ke baji yere donbaliya fana ye. O b'a jira ko malo ka soro bena sabati ni senefen dwo ta ye. Ji bena don maloforow koro waati min, senefen tow tona ji were soro sanji nako hake ji ko. O ko, geleya minnu fora Jekabaara kan baara-daw nemaaw fe, cikelaw seginna olu kelenw de kan.

Joro cikemara kono, cikelaw y'u hakilina di Jekabaara kan k'a mafo ka nogo bo a la. Berema ka fola, kunnafo ni de be adamaden bo kunpan na a ka baara n'a ka jenamaya taabolow la. O siraw taamani be ke sababu ye a k'a ka ketaw sanga njogon na ani k'u sanga maa were taw la. O b'a to a b'a ka baara taabolow yelema ka ben n'a ka soro jiidili siraw ye.

Joro cikelaw yere ka fola, "n'i y'a men muso ka na ka di i b'a soro muso were ka na goman de nenen a fe."

An ka ni taama in senfe, a tun ka di an ye an ka Molodo lasoro nka baara n'a taacogo y'an bali. An b'a fo Molodokaw ye ko k'an ben ni Ala sonna.

Tumani Yalam Sidibe



"TONUS" Demejekulu b'i son Kati mara kono

"TONUS" ye demejekulu ye min sigira senkansan 1993 Kati komini kono n'o be Kulukoro mara fe. Alimanjekulu do de ye "TONUS" bangeli sababu ye. Nka, a tun be i n'a fo demejekulu in tun b'a ka baara ke u yere ye bawo baa-rakejogon tun te a la. An ka demisen maa kalannen minnu bolen kura tun don san 1996, olu ye hakilijagabo ke k'a ye ko Alimanw ka nin kelenabaara nafa fosi te jamanadenw kan. Sigikaf kono, maa kalannen ninnu ni Alimanw farala nogon kan ka yelemanolo kura don baaraketaw la. O cogo la, "TONUS" ni dugu 14 bolo donna nogon bolo Kati kono. U ka jekabaara be boli yiriwalibaaraw nasira la.


"TONUS" ka baara be boli taa-bolo naani kan :

- Balikukalan,
- Musojekuluw labenni u ka yiriwa ni soro sabatili siraw kan (safunedilan, galadon),
- jiriden duntaw bayelemani i n'a fo mangorodege ani dabilenniji n'a dege ani nakobaara ka fara kenyako kan.

Jurudonkesuw sigira walasa ka yiriwali sabati duguw kono.

Sigida ni lamini lakanani baaraw donnen dala "TONUS" ka baaraketaw la. O baara do w nesinna Kesuw joli ma duguw kono. Dugumogow lakananna olu labaacraco la walasa ka lafiya soro u ka nafolow labaarakoco n'u marayoroko la. Dugumogow be se o cogo la ka jagomisenniw ke ka kolo waatiw kunbe.

"TONUS" nema Ba Tumani Jalo ka fo la, demejekulu in kelen don ka balikukalanso caman jo Kati mara kono kerekereennya la Kanbila komini na. O temenen ko,



*Tumani Jalo "TONUS"
Demejekulu nema*

"TONUS" ye warimarayoro nesigiso 3 jo komini dugu 3 la :

- Ngorongoji, Fanafiyebugu ani Ntoninba-Npiyebugu ani Kanbila.

Kesuw ka baaraw sabatili kera sababu ye ka nogoyaba don nin komini kofolenw sigibagaw ka soro jiidi. Warimarayoro balikukalanso be se ka jo dugu kelen togola. O la sa, ni dugu minnu y'a do k'u be ben ko la, olu be se ka fara nogon kan ka nesigiso joli lanini lase "TONUS" ma. N'o kera, bolo mana sin dugu min na, nesigiso be jo yen "TONUS" fe.

Duguw yiriwali te ta ben ko. O siratige la, Ba Tumani Jalo ka y'a ka welekan nesin Kati senekelaw ka farajogonkan siraw bo. O be ke sababu ye k'u demeni nogoya demejekuluw fe. Soro be damakel o cogo la ka yiriwa sabati duguw

bee lajelen kono. A ka ni an k'a faamu ko demejekuluw ka nafolo te don du kelen kunko dafe kuma te maa kelen ma. Cew ni musow ka fara nogon kan ka ke kuluw ye bawo "konokulu jelen de be bii fo" wa "bolonkoninden kelen te bele ta".

Yusufu Fane

Ala dan ka nin ke !

A fo nin y'a daminen ye ?
Maa bi yere ninika k'a da
fen caman kan dere.

San o san, jamaana nemaaw be jalaw di jamanadenw ma k'a da u ka bogononi baara keko numan kan fasojo sira kan. O jaladi be ke ka ben ni Mali ka yeremahoronya tali kalo tile 22 ye n'o ye setanburukalo waati ye.

Fen min ye ninan san jaladi ye, an kunnafonilasela minnu b'an ka kibruyaw lase sebenni kadara kono faso kanw na, anw sewara haali. An sewakun te dowercye, an baaraketogon do n'o ye Basiriki Ture ye, ale ye jala soro. Jala in dara a disida la an balima minisirimuso Asikofarela Ulematu Tanbura fe. Nin bora an karamogo Basiriki Ture ka cesiri kan faso kanw sebenni matarafali la. An b'aw hakili jigin ka fo ko Basiriki Ture ye Kibaru kunnafonisben sebennikuntigye. Fen min ye kanko sira ye, an karamogo Basiriki Ture y'o taamani damine kabini federeba tile waatiw.

An ka baara joggonya foli be da nin kan **Jamana Baarada** togola k'a lase Basiriki Ture ni Kibaru cakela bee ma. Ala k'a ke si ni kene ya ni kunkorota ye. A kana dan ni kunbo ko kelen ma. Ala k'a to jala ka di jamanadenw ma minnu cesirilen don faso kanw lanfnamayali n'a sankorotali la. Su ani tile.

Yusuf Jalo

Worokogelya bë jamana kono

An bë don min na i ko bi, w提醒歌 kera dabalibanko ye worosannaw ni w提醒feerelaw bëe lajelen bolo. Woro te se ka san maa si bolo bilen. Woropane min ye kilo 50 ye, o taara a jo sefawari dɔrɔmɛ baa 18 na. Woropane ma deli ka se nin sanda la Mali kono. Nin y'a sine fola ye. An bë min dɔn pañe tun bë se sefawari dɔrɔmɛ 5000 la. A ma teme o kan wa a tun bë jigin o jukoro yere. Gelya yeko kelen kera Modibotile la. O san na, kilo 50 pañe sanna maliwari dɔrɔmɛ 10 000.

Mun nana ni nin worokogelya ye ?

An balimaké Tanba Keyita n'ale ye w提醒feerelaw ka jekulu nema do ye, ale y'an bilasira. A ka fola, gelya in daminena kabini cikesen kalo fola k'a sababu ke ja digili ye w提醒osunw na. Gelya in bë jamana kono i n'a fo Kōnwari, Lajine, Nizeriya, kamuruni, Liberiya ani Seraliyoni. A ko bë dadigi an bëe la. Maa si no te gelya in na. Wremosun denbaliya dɔrɔn don.

Woro min bë na Mali kono, fanba bë bo Kōnwari ni Lajine. Nka an bë don min na, w提醒 sɔrɔli ka gelén nin jamana kono. Woro te fan si la bi. O kera sababu ye kilo 50 pañe be feere sefa dɔrɔmɛ 14 000 Kōnwari yere kono. Jigilatige barika bonyara w提醒ojulaw ni julamanfilaw bolo. Gelya in ye waatiko de ye. Woroko nɔdonbagaw ka fola, w提醒 be se ka kariko 5 sɔrɔ yanni nowanburukalo laban ce. N'o dun kera, w提醒 sɔrɔ be jigin ka se sefa dɔrɔmɛ 3000 ma.

Worokogelya in kera fen ye min ma dogo mɔgo la jamana in kono. Laadalako si te taa w提醒 kɔ. N'i ko denkundi, i ko w提醒. N'i ko furusiri,



Furukelaw aw bonya te !

i ko w提醒. Janajaw kene kan, w提醒 be ye yen. Woro de be ke tuguni ka buranw bonya. N'i dun y'an ka jamana mafile, w提醒osun te se ka falen a dugukolo kan bwo a be sahelianfan kene de kan. Yoro min be se ka jate a sene yoro ye an fe yan, o ye Sikaso mara kono na ye. O yoro kerenkerennen ye Loloni ye Kajolo kubeda la. Jamana minnu be Mali ni kɔgɔjida ce, olu caman ye w提醒osunw ye. Afiriki camancejamana fana ye

wremosunw ye. Woro ye magoñefen ye nin jamana kelen kelen bëe kan.

An ye nin kunnafoniw latom "weele weele" kunnafonilaseseben "Les Echos" kono a ka san 2000 utikalo don ni duguje boko 1545n kono. Abudaramani Diko bolono don.

Kɔfɔ labaarabaga
Yusufu Fane

CMDT mɔgo minnu ye sebenni ke boko in kono :

Mamadu Yusufu Sise -Bamako
Dawuda Mace Dawo -Bamako
Mamadu Lariya Sise -Bamako
Salifu Sisoko-Bamako
Usumani Tarawele -Fana
Daniyeli Kulubali - Buguni
Amadu Teli - Sikaso
Musa Zanón Tarawele - Kucala
Abudulayi Kara - San
Yusufu Jimé Sidibe - Kita

Jekabaara

Labɔlikuntigi

Yusufu Jalo
Sebenjekulu Kuntigi

Yusufu Jalo
Sebenjekulu

Bakari Sangare
Yusufu Fane
Jekabaara ni ONG cesira
taamabaga

Fanta Kulubali
Negenw kɔbaga

Nuhun Madani Tarawele ko
Banun
Baarakənognonw

Makoci, SNV, OCED
Hakébota

11000
Batakisira : 2043
Ngejurusira : 29 62 89